

佛本行集經

籍

才五十八

竹籍八

三百一

49763



佛本行集經卷第五十八

籍

隋天竺三藏法師闍那崛多譯

婆提唎迦等品中

尔時長老優波離波多作是思惟出尊今者
既不聽許彼人出家我若輒尔放出家者是
我不善如是念已尋即告彼提婆達多作如

是言如世尊教汝必應當作如是事

提婆達多如是次第處處至於大德



比丘所而諸大德上座比丘亦皆語彼提婆

達多作如是言世尊既有如此之語汝必應

當作如是事

尔時提婆達多所至之處皆不許已還乘白

象向迦毗羅婆蘇都城還於家內
於時阿難釋種童子初見五百釋童子等悉
得出家便作是念我於今日亦須捨家至於
佛邊而求出家如是念已至父母邊而白言
曰我今意欲捨家往至佛邊出家唯願放我
而出家耳

尔時阿難所生之母本於佛邊無有淨心所
以者何世尊在家爲菩薩時其阿難母既見
菩薩功德巍巍威力顯赫遂於菩薩生其染
心說於種種邪異之言

尔時菩薩但以彼親是其姨母於此言說嘿
然無答以是因緣故於菩薩無有淨心無淨

心故恒常不放已子阿難捨家出家

今時提婆達多聞他人說阿難意欲捨家出家然其父母不聽出家提婆達多詣阿難所問言阿難汝心實欲捨家出家父母頗曾不聽已不阿難報言提婆達多實如所語今者不知作何事業令得父母放我出家得成比丘受具足戒

丘受具足戒

今時釋子提婆達多謂阿難言汝後若知父母許汝捨家出家必語我知我當共汝俱時出家阿難尋報提婆達多作如是言如汝所論我不違也

今時阿難作如是念我之父母決不聽我捨

家出家作是念已。即在其家取五百枚波利沙般私往。至於毗提耶國。而彼聚落有一長者。是其父王舊日。知識將此五百波利沙般。以相付囑。而語之言。今以此錢付囑於汝。爲我食。直我若須食而來。此者必將此錢爲我買食。當至之時。汝亦不須問我來所。但我到此。汝必當知須食。故來作是語已。至於空閑。阿蘭若處。受無語戒。行住坐卧。嘿然不言。須食之時。嘿然來至。寄錢之家。寂靜而坐。嘿受飲食。食訖。還復嘿然而去。時彼聚落所居諸人。數見阿難。釋種童子。嘿然行住去來。坐卧見已。問言。仁者。是誰。卽時阿難亦不言語。以

報彼人還復如本嘿然而去

時彼人輩各相謂言此之仙人應是毗提耶國而出作是語已爲其立名稱爲毗提耶國仙人

今時阿難父母聞人說如此語阿難從此逃遁往至毗提耶國城邑聚落受不言戒行仙人行而得成仙聞已即遣使人往至謂言子子汝若決定不住家者但來向此於我釋種童子之邊而出家耳

今時阿難遂即還來往語釋種提婆達多作如是言提婆達多汝今當知我之父母今已放我而出家也

提婆達多復問阿難汝今意欲誰邊出家阿
難報言我今意欲佛邊出家提婆達多復言
我昔已至佛邊而求出家爲佛不許我出家
也阿難復言當至聖者舍利弗邊求請出家
提婆達多復作是言彼人亦不與我出家如
是乃至摩訶目犍連摩訶迦葉大迦旃延優
樓頻螺迦葉那提迦葉伽耶迦葉優波斯那
摩訶俱絺羅摩訶專陀優波離波多有如是
等大德上座諸比丘輦悉皆不許聽我出家
阿難復問提婆達多作如是言提婆達多如
汝意者欲何處去提婆達多報言阿難我所
去處不令人識阿難復言我亦隨從提婆達

多如是意趣

尔時多有威勢力釋種童子家別一人佛

邊出家時迦毗羅婆蘇都城有二兄弟小者

名曰摩尼婁陀

舊作阿尼婁陀

大者名曰摩訶那摩

摩尼婁陀久種善根修解脫藏面向涅槃背

於煩惱不欲生於一切有中欲於此世在三

界內當取漏盡已曾積集大功德聚故生於

彼釋種家內自生彼家其家生業漸漸增長

所謂錢財諸穀麥等真珠琉璃珊瑚琥珀諸

璧玉等及以金銀二足四足皆悉備有地下

復有五百伏藏自然顯現其在卧床眠息睡

時乃有諸天將五百種無價珍寶置於床上

其人眷屬見如此等希有之事共相議言此
之童子睡眠之時諸天乃將無價寶物以覆
其上是故我等須立名爲摩尼婁陀

然後童子可喜端正觀者無厭身體黃白猶
如金色其頭形狀似如繖蓋鼻隆高滿如鸚
鵡紫兩臂臍亭下垂過膝身軀縱廣上下齊

等諸根具足無所缺減然其父母爲置四種
阿妳看視所謂抱者又洗浴者飲飼乳者伴
遊戲者其四妳母養育瞻視漸至長大智慧
成就復見行步東西馳走及至堪事教授家
業種種伎藝所謂書筭造印音樂歌舞戲笑
嘲詭滑稽趨蹌妖冶造摩尼寶染衣裁衣和

合諸香彩畫花葉及諸形像圍碁六博擣蒲
等戲造作文章象伎馬伎及以車伎弓射之
術俯仰容儀搨力出壯按摩等伎跳踉賭走
調象擲冑修治園圃行來入出知解吉凶細
行竊密破餘軍陣自把其拳他擘不得蹋地
正立人推不動理髮梳頭操刀斫斷鑽穿等
事劈裂木石射准不差乃至毛髮射人肢節
放箭尋聲牽弓挽彊如是諸伎悉皆明達成
就具足無不解者意智深遠精神迅疾心慮
巧妙黠慧聰明

然彼童子至於一時隨從其父檢校田作及
以生業既至彼處腹中渴乏其以渴故往至

水邊掬水欲飲其水變成天漿美味。爾時其父遮不聽，飲唱言：「子子莫飲此水，或恐令汝身體不安。」

爾時童子摩尼婁陀嘗此水已，而白父言：「尊者，此水甚大甘美，其父不信。時彼童子以手掬水，即奉其父口作是言：『耶若不信，願嘗此水。』其父於是嘗此水，已報言：『子子，我雖生在王宮之內，未曾得此妙甘美水，作是語已，心生喜悅，爲未曾有。而自口言：『希有我子大有福業，從生已來，所作飲食色香味具，倍勝他許。』爾時彼兄摩訶那摩若見若嘗彼之飲食，即生妬心，而口說言：『何故如是香潔美食，唯與

小弟而不與我

尔時其母知有此語告言子子汝知不乎從來爲此摩厘婁陀所造飲食恒常十倍勝他人許摩訶那摩猶故不信

又於一時摩厘婁陀遊戲園林在彼園內往遣使人從母索食而告使言往我母所令送食來於時彼母以盤置食將把覆蓋先示大子摩訶那摩然後遣使往送彼食將至摩厘婁陀之所摩厘婁陀亦看此食其食色香倍即加勝亦於諸器悉皆盈滿雖復如此摩訶那摩猶故不信而口說言雖知家內所將好惡誰知不於諸眷屬家備辦送去

又至一時摩尼婁陀復在園林觀看遊戲又遣使人啓白母言願遣使人送食來此其母亦時取諸空器安著盤上以巾覆蓋先示大兒摩訶那摩然後始送復告之言汝自隨看應知虛實摩訶那摩聞此語已即隨盤去往至摩尼婁陀之邊彼既見已一切諸食色香美味皆悉充滿

亦時釋子摩訶那摩見是事已心生喜悅口言希有未曾見也我弟如有大福德

摩尼婁陀漸至長大年盛壯已於是父母爲作三堂一擬冬坐二擬春秋三擬夏坐擬冬坐者唯備暄煖擬夏坐者唯備清涼擬春秋

者唯備和適其所居堂無別男子唯擬一人
受五慾樂具足自恣隨意居止

尔時童子摩訶那摩作如是念今於釋種諸
童子中有大勢者悉各家別一人出家我今
家內無出家者唯我應當捨家出家若不尔
者須遣我弟摩尼婁陀而出家也摩訶那摩
作是念已便即詣向摩尼婁陀釋童子邊到
已告言摩尼婁陀我等釋種有勢力者悉各
家別一人出家我等家內無出家者我今思
惟或汝出家或我出家
尔時釋種摩尼婁陀啓白其兄摩訶那摩釋
童子言摩訶那摩汝自出家我不能去摩訶

那摩復告彼言摩尼婁陀若如此者我今囑
汝家業之事凡生活法先犁其地然後磨治
次復除其瓦石株棘方下種子下種子已若
無天雨依時既灌依法鋤治然後待熟收刈
料理貯入倉窖作如是已於至來年還復如
此次第造作乃至年年不得休息

尔時童子摩尼婁陀啓白其兄摩訶那摩釋
童子言若如此者我家作業不得窮盡亦無
盡時如此作業既無盡日何時當得於此三
堂受五慾樂

尔時童子摩訶那摩復語其弟摩尼婁陀作
如是言摩尼婁陀作業之事理不可盡亦無

盡日我等父母惓惓祖宗造作事業亦復如此未見盡時而命終也

尔時童子摩尼婁陀復語其兄摩訶那摩作如是言若知作業不可窮盡不知盡時我之父母亦復惓惓祖宗作業未知盡時而取命終如是不虛我今思惟摩訶那摩應須在家營理家業我欲捨家出家修道

尔時童子摩尼婁陀詣父母邊白言耶孃我欲捨家於如來邊求請出家願垂許我於如來邊而出家也

尔時父母告彼小兒摩尼婁陀當知我等唯有二子於汝二子大生憐愛不離心首若暫

不見心懷憂惱假使我死猶望共汝不相離
別况復我今生平存在聽許於汝而出家也
如是再請乃至三請云我欲於如來法中捨
家出家願垂父母聽許我也

往昔菩薩從家出家修梵行時輸頭檀王爲
菩薩故憂惱所逼聚集釋種諸眷屬等而告
之言諸眷屬輩汝等須知我子悉達旣出家
已我亦不欲處其王位亦復不用戴此天冠
汝等誰能受王位者我當委付并即灌頂授
與天冠

爾時衆內有釋童子其人名曰婆提唎迦其
母名曰黑瞿多弥而白王言我能受此王位

及冠

尔時輸頭檀王及諸釋種一切眷屬即將王位及以天冠付與釋童婆提唎迦而灌頂之從尔已後婆提唎迦釋種童子即作釋王其諸眷屬号爲釋王婆提唎迦然彼釋王婆提唎迦受王位後經十二年如法治化而彼釋種諸眷屬等本有要誓若有誰得首戴天冠而爲王者彼人當爲一切釋種諸眷屬等造作百味餽饍飲食

其王舊日與彼釋種摩尼婁陀少小拊塵共爲伴侶設會之時口勅喚彼摩尼婁陀作如是言摩尼婁陀汝佐助我先當供給諸眷屬

訖然後我當與汝共食摩尼婁陀啓白釋王
婆提唎迦作如是言如王令勅不敢違也時
彼二人共設釋種諸眷屬已然後共食食已
即留摩尼婁陀在宮止宿

爾時釋王婆提唎迦過彼夜已天欲曉時身
自問彼摩尼婁陀作如是言摩尼婁陀安眠
已不摩尼婁陀而報王言我於夜眠不得安
隱王復問言何故尔也

摩尼婁陀復報王言我夜腹痛又患寒熱王
復問言何故然也

摩尼婁陀復報王言於彼飲食味不調適是
故當時我患腹痛其所卧褥當織之時其彼

織師身患寒熱是故我亦著寒熱病於時釋
王婆提唎迦喚造食人而問之言汝當造作
百味食時其食諸味爲有增減爲調適也其
造食人而報王言如是大王其味稍多某味
如少我於尔時作事蒼惶不得加意事事檢
校我佐助人不解用心悉捉和雜

尔時釋王婆提唎迦復喚織師而問之言汝
當爲我織被褥時何故不精

織師報言如是大王我當織時著寒熱病大
王復遣使人催促我於尔時寒熱未瘥畏王
瞋故急織而送是故我織不及精妙尔時釋
王婆提唎迦生希有心未曾有心如此之事

不可思議又作是念希有希有摩尸婁陀乃
有如此勝妙智慧

尔時釋王婆提唎迦告釋童子摩尸婁陀作
如是言摩尸婁陀從今日後汝於我邊有所
須者汝莫自來但遣使至我不相負

尔時釋童摩尸婁陀其母念言今此釋王既
與我子少小拊塵同志善友其人決定不應
出家作是念已即喚己子摩尸婁陀作如是
言摩尸婁陀若彼釋王婆提唎迦捨家出家
汝於尔時當出家也

尔時釋童摩尸婁陀聞是語已詣向釋王婆
提唎迦所於時釋王婆提唎迦從宮而出在

那吒迦

隋云以歌說古事

喜樂之會觀看而坐

尔時釋童摩尼婁陀作如是念我今若入婆
提唎迦釋王之會必當妨他觀看遊戲作是
念已便坐門頰待那吒迦喜樂會訖然後欲
入尔時釋王婆提唎迦觀看此會正喜樂時
會中有一音聲婦女手彈箜篌當尔箜篌後有
一絃斷其彼婦女尋即還續而那吒迦喜樂
會中無人覺者唯有釋王婆提唎迦一人獨
知摩尼婁陀在於門頰亦知此事
尔時釋童摩尼婁陀見那吒迦喜會欲訖方
始往詣婆提唎迦釋王之所到已將手抱釋
王頰然後却坐在於一面

尔時釋王婆提唎迦告釋童子摩尼婁陀作如是言摩尼婁陀我於已前可不告汝若有所須身莫自來但遣使索我不相負今日何容身猶自至摩尼婁陀而報王言婆提唎迦此事如是不可遣人能辦斯事

尔時釋王復問釋童摩尼婁陀作如是言摩尼婁陀所言辦者事云何也爲當由汝爲當由我摩尼婁陀復報王言此事由我亦關於王婆提唎迦復作是言若關於我汝應即辦摩尼婁陀復白王言大王當知我意將欲捨家出家如此之事必關於汝婆提唎迦報釋童子摩尼婁陀作如是言摩尼婁陀汝今若

欲捨家出家必閉我者我當放汝汝於我邊
勿生疑慮若欲出家隨汝意樂

尔時釋童摩尸婁陀啓白釋王婆提利迦作
如是言汝今當須共我出家何以故我之父
母先語我言摩尸婁陀若彼釋王婆提利迦
捨家出家汝亦隨彼而出家去時彼釋童摩
尸婁陀復見釋王婆提利迦在於大衆作是
實語摩尸婁陀汝今若欲捨家出家旣閉我
者我不相違任隨汝去當於彼時諸釋種等
復皆實語是故請王同共出家
尔時釋王婆提利迦告彼釋童摩尸婁陀作
如是言若必然者且任七年我之家業事得

了辦辦已然後當得共汝捨家出家
介時釋童摩尼婁陀復白釋王婆提唎迦作
如是言婆提唎迦莫作是語我今不能待至
七歲所以然者婆提唎迦七歲久遠誰知我
等其間或有出家障礙婆提唎迦復語釋童
摩尼婁陀作如是言摩尼婁陀汝且待我六
年之內備辦家事然後共汝捨家出家摩尼
婁陀復白王言婆提唎迦汝於今者莫作是
語我亦不能待至六年所以者何六年久遠
誰知我等中間儻有出家障礙婆提唎迦復
語釋童摩尼婁陀作如是言摩尼婁陀若必
然者且聽待我於五年內備辦家業乃至四

年三年二年摩尼婁陀皆悉不肯時王復言
若必然者且待我於一年之內辦諸家業然
後乃當共汝出家摩尼婁陀猶白王言婆提
唎迦我不能待乃至一年所以者何一年尚
久誰知我汝儻有障礙

今時釋王婆提唎迦復告釋童摩尼婁陀作
如是言摩尼婁陀若必然者且當待我於六
月內辦諸家業乃至三月二月一月摩尼婁
陀悉皆不肯

今時釋王婆提唎迦復告釋童摩尼婁陀作
如是言摩尼婁陀若必然者且聽待我七日
七夜辦諸家事然後共汝捨家出家摩尼婁

陀即白釋王婆提唎迦作如是言善哉善哉
婆提唎迦任汝意作我待汝至七日七夜
尔時世尊住在阿奴弥迦耶聚落其王於彼
七日七夜營辦家事所謂瓔珞以自嚴身至
於園內受五慾樂喻如有人欲至他家赴大
賓會沐髮洗梳瓔珞衣服在校其身然後始
往至他家內其彼釋王婆提唎迦欲至園中
遨遊戲樂亦復如是

尔時復有一釋童子名跋涪婆

隋言

又多眉一釋

童名官毗羅又一童子名難提迦復有釋童
名曰阿難有釋童名提婆達多亦如前者症
嚴其身皆悉如上彼諸童子相共著諸衣服

瓔珞復將一好剃除髮師嚴四兵已出迦毗
羅婆蘇都城詣向阿奴弥迦耶聚落於時釋
王婆提唎迦有物價直三百兩金一百兩金
以爲衣直一百兩金爲瓔珞直一百兩金嚴
鞍馬直其彼童子摩尼婁陀亦復如是諸釋
童子跋涪婆宮毗羅難提迦阿難陀提婆達
多有如此等各各亦有寶物價直三百兩金
乃至充用嚴鞍馬直彼諸童子寶物價直合
有二千一百兩金

尔時彼輩諸釋童子出迦毗羅婆蘇都城各
各下馬解身瓔珞皆捉與彼剃除髮師而口
告言此諸瓔珞皆以與汝爲資生本汝當受

用以爲活命生業之基更莫餘求付瓔珞已
詣向阿奴弥迦聚落

時剃髮師作如是念是諸釋種威猛熾盛謂
言是我將諸童子逃走東西以是因緣當恐
彼來逼切於我彼諸童子既吐此物我云何
食我今不得受此諸寶彼既如是豪富熾盛
有大威勢猶捨無量資生財寶王位之事捨
家出家況我今者何故不從彼剃髮師作是
思已將彼瓔珞財寶之物懸著樹枝作如是
念若有見者任取此物終不爲盜私自念已
詣向諸釋童子之所而彼諸釋童子遙見剃
髮師來而告之言汝今何故不歸家也時剃

髮師報諸釋童作如是言諸聖子輩我今私
自作如此念諸釋強盛有大威德有大力勢
謂言我將諸釋童子東西逃走以是因緣當
恐逼切我之身命汝之童子既吐此物我今
去何方欲食之如我今者不受此物何以故
諸釋強盛有大力勢猶故出家況我今者而
不出家以此因緣我不歸去
尔時釋種諸童子等聞彼語已而語之言汝
今使作如是思惟作是念已而不還家所以
者何如汝所言我諸釋種威嚴熾盛必有此
語將我童子逃走不疑既有此語彼定應來
逼汝身命

尔時諸釋童子等輩共剃髮師詣向佛所到
佛所已頂礼佛足却坐一面而作是言世尊
今者願放我等捨家出家及受具戒復白佛
言世尊欲與我等出家先當度此剃除髮師
於前出家何以故此剃髮師長夜勤苦供承
我等不曾有失是故於先與彼出家及受具
戒彼出家已於後方與我等出家及受具戒
故今我等先當礼此剃除髮師起動迎逆合
掌恭敬示現尊重所以者何我等諸釋憍慢
貢高今因此人令我諸釋迴意捨除憍慢之心
尔時世尊即先度彼剃除髮師及受具戒然
後次與婆提利迦釋王出家受具足戒自餘

各各次第出家及受具戒於時阿難提婆達
多二人猶故不得出家從世尊所迴還至於
雪山之下時彼山下有一長老姓跋耆吒
名曰僧伽其人修行已住三果成就四禪恒
常依彼雪山而住

尔時跋耆吒僧伽見阿難等二人來至逆
慰之言諸釋童子何因來此時彼二人而報
之言我等今者樂欲出家故來於此善哉聖
者願度我等今得出家

尔時跋耆吒僧伽不曾觀察提婆達多童
子之行不練其智即令二人捨家出家及受
具戒長老阿難出家未久在於空閑坐禪思

惟遂作是念若優波陀今必許我至佛所者
我今亦須自見世尊時彼阿難作是念已於
晨朝時從房而出往詣同彼跋耆吒僧伽
之所頂禮其足却住一面住一面已而白長
老跋耆吒作如是言婆檀多優波陀我今
意欲往見於佛聽許已不

尔時跋耆吒僧伽報彼阿難作是言曰阿
難汝今若知時者往向佛邊到佛邊已汝當
爲我頂禮佛足爲我通傳問訊世尊少病少
惱身安已不起居輕利行來化導不損德也
身體氣力勝常已不

尔時阿難聞優波陀作是語已而白之言如

優波陀不敢違教遂即頂礼跋哪瑟吒僧伽
脚足圍遶三币辞别而去

佛本行集經卷第五十八

籍

波

利沙

此古
銅錢

遁

徒惛

隼

子委

臍

丑恭

飲飼

二字音
陰寺

譎

許約反

滑

音骨

超

躄

羊下七反

媛

下而反

蒲

上丑反

捅

上音

超

梁

上他反

胃

俱犬反

園

下補布反

擘

補麥反

推

下

土反

操

上七反

斫

卓音

鑽

上子反

劈

亦

反

射

下正作

挽

下徒反

迅

上私反

黠

射

下正作

准

下正作

挽

下徒反

迅

上私反

黠

慧

上八反

閑

掬

音菊

杷

音怕

漑

灌

音上

古

愛

反下

貫

一

鋤

治

助上

無上音初

音持反

倉

忙

下音

跋

培

又下

父扶

候由

反反

唧

瑟

下上

音音

耶

風

下

收

刈

吠下

反魚

料

理

彫上

反郎

倉

窖

教下

音

拊

塵

佛本行經五十八卷

籍

